



Damondas da baghegiar

Nr. 29/2022

Datum da publicaziun: 18-03-2022

Patrun: Vischnaunca Sumvitg, 7175 Sumvitg

Liug e parcella: Sumvitg-Fallas; 8000

Surrein-Val Tenigia; 8042

Object: construcziun da tablas d'informaziun pertuccont uauls da reservat

Il profils ein tschentai ed il plans da construcziun ein deponi tier la canzlia communal.
L'investa publica cuozza 20 dis dapi il datum da publicaziun.

Eventualas protestas encunter sura damonda da baghegiar ein d'inoltrar alla cumissiun da baghegiar Sumvitg enteifer 20 dis dapi il datum da publicaziun.

Sumvitg, 18-03-2022

Cumissiun da baghegiar

Radunonza da vischnaunca

La proxima radunonza da vischnaunca ha liug mardis, ils 22 da mars 2022 allas 20.00 uras a Sumvitg.

Gliesta da tractandas

1. Avertura e beinvegni
2. Elecziun da 2 dumbravuschs
3. Protocol dalla davosa radunonza communal dils 22-02-2022
4. Tractaziun ed approbaziun dil project habitaziuns casa da scola Sumvitg e concessiun dil credit brut da 985'000 francs
5. Tractaziun ed approbaziun dil project Salischinas e concessiun dil credit brut da 821'000 francs
6. Tractaziun ed approbaziun dil project sanaziun Via Naustgel e concessiun dil credit brut da 2'400'000 francs per mauns dalla votaziun all'urna
7. Tractaziun ed approbaziun dalla revisiun parziala dils statuts digl Uffeci funsil Cadi
8. Orientaziuns
9. Varia

Dils documents tier la tractanda 7 sa vegnir priu investa sin canzlia communal durant las uras da spurtegl.

Sumvitg, 18-03-2022

Suprastonza communal

Candidats proponi per elecziuns communalas (perioda d'uffeci 2022 – 2025)

Tenor art. 22 dalla lescha da votaziuns ed elecziuns ein las suandontas candidaturas vegnidas annunziadas entochen ils 15 da mars all'administraziun communal. La successiun dils numms se presenta cheu sut sco previda ella lescha tenor alfabet.

President communal	Cathomas Marc, Surrein (niev) Schaniel Patrick, Sumvitg (niev)
Geraus	Bearth Rest Andriu, Sumvitg (niev) Cathomas Cornelia, Surrein (niev) Huonder Gion Battesta, Cumpadials (niev)
Cumissiu da quen e gestiun	Bearth Andri, Rabiun (niev) Damiano Michele, Rabiun (veder) Vincenz Rafaela, Sumvitg (veder)
Cumissiu da baghegiar	Decurtins Samuel, Rabiun (niev) Deplazes Otto, Surrein (niev) Forster Ulrich, Surrein (veder) Monn Erwin, Sumvitg (veder)

Sumvitg, 18-03-2022

Suprastanza communal

Lenna da brisch 2022

La vischnaunca da Sumvitg offerescha a vischinas e vischins la cumpra da lenna da brisch sco suonda:

Pégn
Igniu

55.00 frs/m³

Lenna da feglia

Igniu
(mischedau, senza fau)

75.00 frs/m³

Il quantum da lenna da feglia (ogna e fraissen) ei limitaun e vegn partius si tenor las annunzias.

Auters loghens sin damonda.

Ils prezis secapeschan excl. taglia sin plivaleta. Cundiziuns da pagament ein 30 dis net. Bugen offerin era lenna resgiada, fendida e transports tochen a casa.

Interessents san annunziar lur empustaziuns a scret agl Uffeci forestal Sumvitg, Via Quadras Su 10, 7175 Sumvitg, ni e-mail: uffeci.forestal@sumvitg.ch, ni per telefon (081 920 25 06). Las empustaziuns ston succeder entochen sil pli tard venderdis, ils **8. d'avrel 2022**.

Bien engraziament per Vossa empustaziun!

Sumvitg, mars 2022

*Il selvicultur da revier
Beat Cadruvi*

Vignettas da mopeds

La vignetta da mopeds 2022 sa vegnir retratga tier l'administraziun communal. La taxa munta frs. 38.55.

Sumvitg, 18-03-2022

Administraziun communal

Serrada via Val Sumvitg

Ord motivs da segirtad resta la via Val Sumvitg **serrada** naven d'immediat sil tschancun da Val anen per tut traffic.

Sumvitg, 18-03-2022

Departament traffic

Strcuturas agricolas 2022

Uonn vegn pretendiu dil cantun in'annunzia dils animals da tuts menaschis sur igl internet. Ils menaschis cun biestga armentiva han giu d'annunziar lur animals la fin da schaner entochen miez fevrer 2022.

Niev vegn quei onn aviart la finiastra d'internet pils menaschis d'apiculturs ed ils menaschis pigns (hobi) cun tiers manedels sco gaglinas, andas, aucas, cunegls eav.

La finiastra ei aviarta per quella annunzia dils 17 da mars entochen ils 31 da mars 2022.

Sche Vus haveis difficultads d'annunziar vos animals cun quella nova metoda sur igl internet vegn supplicau da contactar il gerau d'agricultura Marcus Duff (079 351 20 96).

Sche Vus haveis dapi plirs onns da quels animals ni mez neu niev igl onn 2021 e 2022 ch'ei aunc buca annunziar lu prende era si contact cul gerau d'agricultura Marcus Duff (079 351 20 96) Bien engraziament per Vossa collaboraziun.

Sumvitg, 18-03-2022

Departament agricultura

Uniun da dunnas Rabius

Invitaziun Radunonza generala, sonda, ils 26 da mars, allas 18.00 en sala da scola Rabius

Tractandas:

1. Beinvegner
2. Elecziun da dumbravuschs
3. Approbaziun dils protocols 2020 e 2021
4. Rapport dalla presidenta
5. Rendaquen
 - a) rapport dallas revisuras 2021 e 2022
 - b) approbaziun dils quens 2021 e 2022
6. Fixar la contribuziun annuala
7. Elecziuns: actuara, assessura, delegadas pil Cussegl pastoral
8. Sustegn finanziel per projects en vischnaunca
9. Situaziun actuala da noss'uniun
10. Program da lavur
11. Orientaziuns
12. Varia

Suenter la radunonza offerescha l'uniun ina tscheina cun dessertcaffè. Silsuenter havein nus in pign program per la sera. Annunziar prendel bugen encunter entochen ils 21-3-2022. Tgi che sa buca prender part alla radunonza ei obligada da seperstgisar. Telefon 079 641 79 70 (la sera) ni e-mail denise@renato.ch. Per plascher negins whats apps. Sin stedia participaziun e sin ina biala sera da cumpignia selegra la suprastanza Denise, Barbara, Theresita e Renata

Societad da tir Vial Sumvitg

Invitaziun alla radunonza generala che ha liug **venderdis, ils 25 da mars**, ell'ustria «Greina» a Rabius allas 20.00. Cordialmein envida la suprastonza e cumissiun da tir. *Societad da tir Vial Sumvitg*

Uniun da catschadurs Greina

Invitaziun alla radunonza generala, venderdis, ils 1-4-2022, allas 20.00 ell'«Ustria dalla staziun», Sumvitg. Bugen envidein nus tei alla radunonza cun las suandontas tractandas:

Gliesta da tractandas:

1. Beinvegni ed appel
2. Elecziun da dus dumbravuschs
3. Approbaziun dalla gliesta da tractandas
4. Protocols:
 - a) radunonza generala
 - b) radunonza avon catscha
5. Rendaquen:
 - a) cassa dall'uniun
 - b) cassa da tgira
6. Fixar las contribuziuns annualas
7. Rapports annuals:
 - a) president
 - b) cau da tgira
8. Mutaziuns
9. Elecziuns:
 - a) actuar
 - b) cau da tgira
10. Program annual
11. Taxas per il stan da sittar
12. Orientaziun da catscha entras nies guardiaselvaschina Andriu Degonda
13. Varia

Nus selegrein gia ussa da seveser cun tei a caschun da nossa radunonza generala. Per ulteriuras damondas stat president Beni bugen a disposiziun: Beni Cathomas, Via Davos-Baselgia 18, 7031 Laax, Tel. 079 406 70 33

Uniun samaritana Sumvitg-Trun

La proxima acziun da spender saung ha liug: **gliendisdis, ils 21 da mars 2022**, dallas 18.00–20.30 en la sala dil center communal a Trun. Sin bien seveser, cunquei spender saung spendra veta!